



Dua pusat urut curi elektrik diserbu

Kota Kinabalu: Dua pusat urut antara 11 premis yang diserbu kerana disyaki mencuri bekalan elektrik dengan mengusik meter elektrik dalam operasi bersepadu di daerah ini dan Penampang.

Operasi yang bermula jam 10 pagi kelmarin dan berakhir semalam dilakukan sepasukan pegawai dan kakitangan Suruhanjaya Tenaga (ST) bersama Sabah Electricity Sdn Bhd (SESB).

Timbalan Pengarah Perancangan dan Penyelarasan Penguatkuasaan ST, Shafie Mohamed berkata, selepas dua hari operasi, 11 premis dikesan mencuri bekalan elektrik membabitkan premis sejuk beku, serbaneka dan pusat urut.



PEGAWAI dan kakitangan SESB memeriksa meter yang diusik supaya bacaan elektrik tidak direkodkan sepenuhnya di beberapa premis sekitar Inanam.

"Kelmarin, lima premis diserbu manakala semalam enam premis termasuk premis sejuk beku dan dua premis pusat urut yang disyaki melakukan pengusikan pada

meter elektrik.

"Mereka melakukan pengusikan pada meter dengan cara tebuk dan pintasan menggunakan dawai bagi mengelak bacaan elektrik di-

rekod sepenuhnya," katanya.

Menurutnya, semua pemasangan meter elektrik yang diusik dirampas untuk siasatan.

"Siasatan dijalankan pi-



Sepanjang 2017 hingga Februari 2019, 4,563 premis diperiksa dan daripada jumlah itu 990 premis dikesan melakukan pengusikan meter elektrik dengan kerugian lebih 4 juta"

Abdul Nasser Abdul Wahid

hak ST mengikut Seksyen 37(3) Akta Bekalan Elektrik 1990.

"ST mengingatkan melakukan pengusikan pada pemasangan meter bukan sahaja menyebabkan kerugian tetapi boleh membawa maut akibat renjatan elektrik," katanya.

Sementara itu, Pemangku Pengarah Urusan SESB, Abdul Nasser Abdul Wahid berkata, mengikut rekod SESB, bagi tempoh 2017 hingga Februari 2019 dilaporkan 990 premis di seluruh Sabah di-

kesan melakukan kegiatan mencuri elektrik.

"Melalui risikan pasukan Strike Force SESB, kami mengenal pasti premis yang melakukan pengusikan meter dan berdasarkan maklumat itu, kami salurkan kepada ST untuk operasi bersepadu.

"Sepanjang 2017 hingga Februari 2019, 4,563 premis diperiksa dan daripada jumlah itu 990 premis dikesan melakukan pengusikan meter elektrik dengan kerugian lebih 4 juta," katanya.



07 Mar 2019
Harian Metro, Malaysia

Author: No author available • Section: Setempat • Page: 5 • Printed size: 329.00cm²
Region: KL • Market: Malaysia • Photo: Full Color • ASR: MYR 12,961.00
Item ID: MY0035318855

 isentia.mediaportal

Provided for client's internal research purposes only. May not be further copied, distributed, sold or published in any form without the prior consent of the copyright owner.

Page 2 of 2

SUMMARIES

Kota Kinabalu: Dua pusat urut antara 11 premis yang diserbu kerana disyaki mencuri bekalan elektrik dengan mengusik meter elektrik dalam operasi bersepadu di daerah ini dan Penampang . Operasi yang bermula jam 10 pagi kelmarin dan berakhir semalam dilakukan sepasukan pegawai dan kakitangan Suruhanjaya Tenaga (ST) bersama Sabah Electricity Sdn Bhd (SESB).